- Wer kynd / vnd narren sich nymbt an
- 2' Der soll jr schympf für gůt ouch han
- 3' Er muß sunst mit den narren gon



Schympf nit verston

- Der ist eyn narr der nit verstőt
- 2 Wann er mit eynem narren redt
- 3 Der ist eyn narr der widerbilt
- 4 Vnd sich mit eynem truncknen schilt
 - 4 truncknen] trnncknen GW5046

5 Mit kynd / vnd narren schympfen wil

 $m1^r$

- 6 Vnd nitt vff nemen narren spil
- 7 Wer will mit jågern gon der hetz
- 8 Wer keyglen will / der selb vff setz /
- 9 Der hül / der by den wolffen ist /
- 10 Der sprecht ich lieg / dem nütz gebrist
- Wort gend vmb wort / ist narren wiß
- 12 Güts gåndt vmb boß / hatt hohen priß
- 13 Wer gibt das boß vmb gutes vß
- 14 Dem kumbt bổß / nyemer vß sym huß /
- 15 Wer lachet des eyn ander weynt
- 16 Dem kumbt des glich / so ers nit meynt
- 17 Eyn wiser gern byn wisen stat
- 18 Eyn narr mitt narren gern vmb gat /
- 19 Das nyemans lyden mag eyn narr
- 20 Das kumbt vß synem hochmůt dar
- 21 Me leid geschicht eym narren dran
- 22 Das er sicht ettlich vor jm gan
- 23 Dann er hab freüd / das jm sunst all
- 24 Noch gangen / vnd zůn füssen fall /
- 25 Vnd das du merckst / wie ich es meyn
- 26 Eyn stoltzer wer gern herr alleyn /
- 27 Aman hatt nit so grossen glust
- 28 Das yederman jn anbett sust
- 29 Als er hatt leyd / das jn eyn man
- 30 Nitt bettet Mardocheus an /
- 31 Nit nott das man narren vff merck
- 32 Man spurt eyn narren an sym werck /
- 33 Wer wiß wolt syn (als yeder sol)
- Der ging der narren mussig wol

m